

南皮縣志卷之十五

藝文志下 詩

詞附

著作

詩

漢

感舊

阮瑀

河洲多沙塵風吹黃雲起金羈相逐馳聯翻何窮已慶雲惠優
渥微靄拔多士昔會渤海時南皮戲清沁今復河曲遊鳴葭泛
蘭泥躑步凌丹梯並坐侍君子妍談既愉心哀弄信睦耳傾沾
條芳醕願言定終始自從食芥菜唯見今日美

齊

學古貽中書

范通

攝官青瑣闥遙望鳳凰池誰云相去遠脈脈阻光儀岱山饒雲

異沂水富英竒獨翻凌北海翻飛出南皮

唐

擬履霜操 并序

韓愈

尹吉甫子伯奇無罪為後母譖而見逐自傷作

父兮兒寒母兮兒飢兒罪當筮逐兒何為兒在中野以宿以處
四無人聲誰與兒語兒寒何衣兒飢何食兒行於野履霜以足
母生衆兒有母憐之獨無母憐兒甯不悲

秋夜宴臨津鄭明府宅

杜審言

行止皆無地招尋獨有君酒中堪累月身外即浮雲霜白宵鐘
澈風清曉漏聞坐攜餘興往還似未離羣

同臨津紀明府詠孤雁

盧杲之

三秋違北雁萬里向南翔河洲花梢白關塞葉初黃避繳風霜

勁懷書道路長水流疑箭動月照似弓傷橫天無有陣度涉不成行會刷能鳴羽還赴上林鄉

送臨津房少府

楊炯

岐路三秋別江津萬里長煙霞住征蓋絃管促飛鷗階樹含斜日池風信早涼贈言未終竟涕淚忽沾裳

秋夜宴臨津鄭明府宅

梁潛

異鄉寥落處杯酒喜逢君共對秋宵月誰吟日暮雲竹深蟾影度川靜雁聲聞且盡尊前樂明朝又索羣

答高三十五留別便呈于十一

李頎

累薦賢良皆不就家近陳留訪者宿韓康雖復在人間王霸終思隱巖岫清冷池水灌園蔬萬里滄江澹似瀘妻子歡同數株柳雲山老對一牀書昨日公車見三事明君賜衣遣為吏懷章

不使郡邸驚待詔初從闕庭至散誕由來自不羈低頭授職爾何為故園壁掛烏紗帽官舍塵生白接籬寄書寂寂於陵子蓬蒿沒身故不仕羨藜被褐環堵中歲晚將貽故人恥

贈別高三十五適

李頎

五十無產業心輕百萬資屠沽亦與群不問君是誰飲酒或垂釣狂歌兼詠詩焉知漢高士莫識越鵠夷寄跡棲霞山蓬頭睢水湄忽焉辟命下衆謂趨丹墀沐浴著賜衣西來馬行遲能令相府重且有函關期黽勉從寸祿舊遊梁宋時皤皤邑中叟相侯鬢如絲官舍柳林靜河梁店葉滋摘芳雲影宴把手秋蟬悲小縣情未愜折腰君莫辭吾觀聖人意不久召京師

初就有道徵授封邱尉

高適

我本漁樵蓋諸野一生自是悠悠者乍可狂歌草澤中甯堪作

吏風塵下祇言小邑無所為公門百事皆有期拜迎官長心欲
碎鞭撻黎庶令人悲悲來向家問妻子舉家盡笑今如此生事
應須南畝田此情付與東流水夢想舊山安在哉為銜君命日
遲迴乃知梅福徒為爾轉憶陶潛歸去來

送族姪式顏

高適

惜君才未遇愛君才若此世上五百年吾家一千里俱遊帝城
下忽在梁園裏我今行山東離憂不能已

追酬故高蜀州人日見寄詩

杜甫

自蒙蜀州人日作不憶清詩久零落今晨散帙眼忽開迸淚幽
吟事如昨嗚呼壯士多慷慨合沓高名動寥廓嘆我淒淒求友
篇感時鬱鬱匡君畧錦里春光空爛熳瑤池侍臣已冥寞瀟湘
水國傍鼉鼉鄴杜秋天失鷓鴣東西南北更堪論白首扁舟病
獨存遙拱北辰躔寇盜欲傾東海洗乾坤邊塞西番最充斥衣
冠南渡多崩奔鼓瑟至今悲帝子曳裾何處覓王門文章曹植
波瀾濶服食劉安德業尊長笛誰能亂愁思昭州詞翰與招魂

送高三十五書記十五韻

杜甫

崆峒小麥熟且願休王師請公問主將焉用窮荒為饑鷹未飽
肉側翅隨人飛高生跨鞍馬有似并州兒脫身簿尉中始與捶
楚辭借問今何官觸熱向武威答云一書記所愧國士知人實
不易知更須慎其儀十年出幕府自可持旗麾此行既特達足
以慰所思男兒功名遂亦在老大時常恨結歡淺各在天一涯
又如參與商慘慘中腸悲驚風吹鴻鵠不得相追隨黃塵翳沙
漠念子何當歸邊城有餘力早寄從軍詩

奉簡高三十五使君

杜甫

當代論才子如公有幾人
驂騑開道路鷹隼出風塵
行色秋將晚交情老更親
天涯喜相見披豁對吾真

酬高使君相贈

杜甫

古寺僧牢落空房寓客居
故人供祿米鄰舍與園蔬
雙樹容聽法三軍肯載書
草檄吾豈敢賦或似相如

贈高式顏

杜甫

昔別是何處相逢皆老夫
故人還寂寞削迹共艱虞
自失論文友空知賣酒壚
平生飛動意見爾不能無

簡高使君適

杜甫

楚隔乾坤遠難招病客魂
詩名惟我共世事與誰論
北闕更新主南星落故園
定知相見日爛熳倒芳尊

寄高三十五書記

杜甫

歎昔高君老新詩日又多
美名人不及佳句法如何
主將收才子崆峒足凱歌
聞君已朱紱且得慰蹉跎

寄高三十五詹事

杜甫

安穩高詹事兵戈久索居
時來知宦達歲晚更情疏
天上多鴻雁池中足鯉魚
相看過半百不寄一行書

秋夜有懷高三十五適兼呈空上人

劉長卿

晚節逢君趣味深
結茅栽樹近東林
吾師幾度曾摩頂
高士何年遂發心
北渚三更聞過雁
西城萬里動寒砧
不見支公與元度
相思擁膝坐長吟

春望

崔湜

回首攬燕趙春色
兩河間曠然千里餘
際海不見山雨歇
青林潤煙空綠野
間問鄉何處所
目送白雲還

宋

贈賈黃中神童及第

李昉

七歲神童古所難
賈家門戶有衣冠
七人科第排頭上
五部經書誦舌端
見榜不知名字貴
登筵未識管絃歡
從今穩上青雲去
萬里誰能測羽翰

題賈魏公耽遺像

王安石

功名烜赫在三朝
經術從容輔漢條
儒服早紆丞相紱
戎冠再插侍中貂
開倉六塔流民復
出甲甘陵叛黨消
甲第至今空畫像
當年於此識丰標

元

過古黃河

薩天錫

迢迢古黃河
隱隱若城勢
古來黃河流
而今作耕地
都道變通

津滄海化為塵
堤長雁麥秀
不見築隄人

明

送張寒泉侍御淮中州事竣還朝

李夢陽

北極星辰入山河
斧鉞歸鳥爭車驚
集雨送蓋雲飛御
柳先搖珮臺花且襲衣
聖心虛納來忍使
諫章稀

登大台山

鄧漢

暑闌天宇淨
金風颺素秋
感茲變氣候
肇為名山游
孤征挾真想
靈構縱冥搜
沉吟化遷境
緬邈蓬萊丘
太行表西岳
發地來東州
隆隆大台山
臨眺豁雙眸
盤紆轉林薄
合沓隱芳洲
畫境明且遠
夕霏淒以柔
潛虛慮無礙
撫物興彌幽
逝即薜蘿侶
永辭簪笏儔
高步遂懽悅
息躬冀淹留
白雲滿丹嶂
終然結網繆
僕夫促歸騎
頽攪離人愁
仰矚媿霄簿
俯臨慙海浮
攝生有至

要勞形竟多憂百年無間日不如早行休長揖謝靈囀獨寤得
所求

送兩銓劉司務顯道考績北上

楊繼盛 叔山

春日蒼蒼春浦晴紅亭黯黯送寬旌留連鳥語憐人別荏苒楊
花共酒傾桃塢雨餘香氣合錦江湖靜浪痕明煙浮曉嶂巒坑
碧霞逐征帆縹緲輕牛渚曲通瀛海澤緱峯迴倚秣陵城月高
鷗在鏡中宿溪漲橋疑天際行牛野分星驚太史燕雲如幕覆
神京楓宸報政恩波闊椿坐稱觴彩袖輕知己漸隨流水遠離
愁端與削山平論交每喜松顏落折柳應悲雁序更旅病偏因
歸客劇夢思祇為故鄉生送君惟有東風淚點點沾巾無限情
重陽較射

黃持衡

燕友臺邊雲葉飛塵蹤無定宦情微漫將弧矢逢仙侶醉把茱
萸不計歸閃閃旌旗迷遠樹林林虎旅耀晴暉即看萑葦無兵
弄欲遣漁樵解鐵衣

古蹟十絕

寒水井

劉址

一勺清泉古帝開浮瓜不用望林梅自慚勞吏非消渴日取水
壺玉液來

燕友臺

勝侶如雲侍晏陪碣宮雪苑欲相儕豆箕當日煎何急卻使人
傳燕友臺

曹公固

橫槊爭鋒壯業馳千秋戰壘誌南皮奸雄抔土今何在馬鬣獨
傳雋不疑

太史河

潭潭太史陽侯宅此日離離黍覆隄不識鴻濛初闢後幾番滄
海易桑畦

刁公樓

勝概當年是此不寒煙衰草認荒邱山河遞變已非昔千古猶
傳刁氏樓

蓮花池

城東陂澤海雲長菡萏風迴十里香卻傲柴桑陶令尹清芳不
數菊英黃

覆盆井

何年龍井傍龍岡雲氣英英自覆藏傳說浚泉為傳說固應版
築可霖商

射雉臺

小白當年曾中鈎登臺射雉啟雄猷青齊霸畧今何在煙雨迷
離蘆荻秋

釣魚臺

誰識鷹揚困棘津非熊夢叶老謀新寄言皮相休輕士富澤淮
陰代有人

古皮城

彈丸渤海古皮城兵革當年此繕營為問洋洋東賜履封侯霸
業幾番更

過山村作

李騰鵬

我愛山村好民風太古前屋隨崖上下路逐澗灣環灌蔬引泉
水樹禾墾石田催租無暴吏門掩日高眠

鹽商行 正德二十七年誌民苦也

李騰鵬

衛水河中鳴畫鼓商船破浪齊搖櫓商船報到載鹽來居民兩岸齊稱苦商人意氣何揚揚繡轂雕鞍羅綺香入門通刺謁長吏長吏溫言禮數詳問之何由多意氣全仗金多結權貴就裏官鹽能幾何夾帶其中數更多據案呵呼擬官府散給貧民與下戶下戶得鹽不可食其中大半多泥土窮鄉下里爭奔走計口按籍誰隱漏有司追征不少停鹽課居先糧稅後奸商得錢日椎牛胡奴絲管鬪歌喉衣厭輕羅食厭肉一口歡娛萬戶愁萬戶含愁無所告舊商未去新高到一年幾度商人來股盡民間脂與膏貧民豈是食無鹽掃土燒鹽亦自贍食不充腸衣無袴何況公私百役兼駕言國課非瑣瑣柱史監察急似火坐使奸商享厚資不見貧民受實禍邊儲年年稱報種芻豢不聞充國用嗟哉病官仍病民勅使何須相接踵鹽鐵有論古來聞漢廷議罷政紛紛至今肉食謀國者講畫中理徒殷勤安得九重目如電徧矚神州與赤縣致使商民兩稱便

河決傷木作 正德三十二年

李 廷

千家野哭動林邱極目狂瀾過壑頭畎畝一朝成巨浪桑麻萬頃失三秋催科幾愧陽城拙保障誰知尹鐸愁束手不堪民告苦南風吹淚付東流

大水 謠 萬歷三十五年河決知縣左之楨以下流壅塞親疏之因作大水謠

侯 楹

南皮城西二十里漕河諸口慣決水年年修築費丁夫保障金隄無傾圮今年河水發大狂一夜水高數尺強須史浪花高於岸左崩右潰難禁當君侯見之心如棘負薪益挿如雲集隨築

隨潰空束手相顧錯愕無顏色夜半倉皇報水來洪波捲地吼
如雷拋男棄女號且走田廬漂沒總堪哀順流東下如砥建何
物下流橫築堰往年河決歸東海今年直趨南皮縣南皮城下
水汪洋何異當年灌晉陽安得夜殺守隄吏舒我侯憂救民殃
九日同鄭如房徐叔泰登大慈閣
侯楹

捕蝗謠

隆慶三十六年

六月時雨足青疇處處農民望有秋努力耘田尚枵腹衣裳典
盡不知愁共說連年民困極誰知今歲暫蘇息可憐一旦蝗蟲
來村村落落鳳凰食飛時蔽天萬人驚落時滿地咋咋鳴輕節

嫩葉一時盡連天徧野哀哭聲數日之間盈四野腳踏無地手
堪把大莊小疇男和婦紛紛都是捕蝗者官命捕蝗入社倉一
斗粟易數斗蝗霎時粟盡蝗不盡救民無計徒心傷今不願當
凶吞蝗播令聞民哭何敢移之君又不願設法驅蝗不入境鄰
境之民何堪病但願蝗飛入東海留得蝗口餘糧在議蠲議賑
須及時早使吾民倒懸解

河復決

隆慶三十八年

張德政

數載棲遲兩決河苦遭世變卻偏多秋禾蕩盡無遺粒遠浪浮
空有浴鵝擾擾輪蹄爭病涉村村網罟徧漁歌蕭條不獨悲生
計水鏡分明照髻簪

送張安軒節推

謫報最入朝

嘉靖二十九年庚戌中秋

呂律

募收司令時肅氣淨煙霧灌木起元翮扶搖漸天路恐余止荆

枳徘徊失瞻顧俯仰成睽離山川阻良晤願薦碧澗芹暫借青
尊娛後夜鬱塵懷松前仰幸度會看驄馬歸擬有餘芳遇得慰
瑤華音臨風託鱗羽

又七律一首

暫借東南養羽毛九皋聲已徹雲霄冥飛不羨鵬為翼瑞世還
期鳳作苞風厚士民遙望影知低勲業奏成勞身冠獨秉清霜
操一點丹心萬古高

又

趙觀

萬言陳謹策五馬下除書草木知名姓恩威徧里閭花村無吠
犬畫棟有懸魚遷拜應通顯螭頭注起居

發滄州之南皮

戴明說

一日離家意春懷亂遠皋鶯啼新麥淺雉去暮臺高石蘚三空
碧金鎗百戰壕非熊何處夢衰謝愧蓬蒿

過南皮二首

魚端卻入蓀陽道乘輿驅馳渤海前樹老新蟲藏暗窟未稠小
燕掠流泉古皮城下風吹路太史河邊浪接天著退沙衢多馬
跡珍花奇草為誰妍

一望空濛落晚霞野人指點過蒹葭仲容往事思公子孟德雄
圖見酒家鳥集枯楊啼雨景陂浸流水發山花徘徊感慨尋無
棣紗帽葛巾日欲斜

尹吉甫墓

鹽山王慶元

中興有士屬周王何事騷壇詡漢唐李杜猶傳憂社稷曹劉枉自叶
宮商能教哀職樊候補重述崧高召伯勦如此詩人方警絕可堪酌
酒墓臺荒

重展張子畏侍郎遺札

任邱邊嚮禧

公方唐子畏我愧祝枝山名字前身在分離後會艱讀書詞委曲思
舊淚潺湲卻指烏臺柏蕭騷不可攀

題張子畏觀察清芬堂遺集三首

福山王寶善

侃侃宣公疏能爭日月光誠惟通

黼座膽已落封疆勵俗扶人紀

窮經贊我 皇古來真御使報 國在文章

史

宦歷南天際心懸北地程白雲狄公思朱萼東生情直道古人處不
貪作者名官衙遺稿散孝子淚縱橫

孤竹逢公子才華似湧泉憐余新白髮羨爾舊青氈家學蘭臺重
國恩榆景傳闕懷推老輩把卷重流連

泊頭鎮見杏花

查慎行

淡煙銷處日初銜酒旆微風到布帆我自偶從花底過不勞蝴蝶
上春衫

河上望南皮作

劉文煊

際曉層陰半面開參差烟樹隔河來浮瓜沈李知何處遥望當
年燕友臺

題振斯張公蘭陔桂子圖二首

翁方綱潭溪

浸

粉样濃陰屬謝家
冰壺水浸玉蘭芽
閒庭自是饒風露
可要陵
隙補白華

每論金石推家學
數歷經猷見本根
試繪角弓嘉樹傳
篆香簾
月淡無痕

送張鑑菴之嚴州太守任

翁方綱

江春梅柳照揚舲
不獨詩尋處士星
旆卷膏陰來驛雪
政成經
術即碑銘緘馳嶽
麓心如素郡接東
陽眼共青正到嚴
灘新
月上葵齋舊夢悟
蘭亭

題岸樵張太守梅柳江春圖二首

翁方綱

湖外寒初霽
濛濛倚曙煙
政成驄馬路
詩到白鷗邊
郢雪消難
盡湘雲夢不傳
灣坦新綠起春在
釣家船

十載看碑眼
拈鬚倍有神
濃文山翠濕
淡共墨緣真
話舊連
江雨論心對竹筠
盆梅消息近臘雪
又添春

題張文甫先生寒宵課子圖二首

慶雲 崔旭

詩禮趨庭寄愛深
一經教子薄羸金
青箱著意傳家學
半夜
寒燈百世心

雪影書聲四壁春
餘明不待借芳隣
從知此味分甘苦
我亦多年
課子人

題振斯張公蘭陔桂子圖

錢塘 吳錫麒 寂人

如此簪纓更可誇
清芬奕葉讀書家
甘棠已長南天樹
金粟同珍
北地花根抵鬱盤
通月窟虛空縹緲
駐雲車
蘭陔舊是扶筇
處又報春風茁紫芽

謁雋不疑墓

大興 王庭紹 楷堂

我亦司刑者衣冠拜古祠高名傳漢代酷吏鮮清時
血淚霜毫染冰心鐵硯知回思慈母訓白日照寒碑

射雉臺

王庭紹

射雉臺荒叫墨鴉魏文遺跡久塵沙江山畢竟歸三馬
文藻空勞聚一家幼弟東阿悲煮豆故人晉井憶浮瓜
老瞞枉自誇天命漳水滔滔日又斜

過高達夫故里

王庭紹

君年五十始為詩顧我行年五十四我詩原不讓古人
每讀君詩卻心慄有唐格調推高岑梓州意遠嘉州深
杜陵許君為獨步佳句有法非狂吟憶昔武威從使節
短毫怒掃天山雪箭雨聲乾洗戰場刀光迸磨霜碣慈
恩塔上夢流連北海誰同擘彩箋亂定始憐書記苦
文親曾寫別離難一自東州動鼙鼓登壇楚將顏如土
鸚鵡空聞頌大夫虎狼不復歸公主滴薄雲昏夜舉烽
詩人到此竟無功徒將一死悲先遠悔不三年學鄭公
畫省歸來雙鬢白尊前莫話籌邊策倚馬文章跡已陳
秋燈夜雨南皮宅杜陵野客尚羈留聞道君亡老淚流
不怒師徒撓楚蜀終誇聲價重曹劉我向荒村尋小築
斜陽低掛平原樹瘦骨稜稜戰雪霜詩靈佑我千觴綠

南皮咏古六首

百雉巖城峙千秋古縣雄河流猶衛水土俗溯齊風
比戶絃歌盛原田菽麥豐相傳多勝蹟蒐訪興無窮

斷獄推京兆依經議絕羣何疑故太子足服大將軍威信懷前

政荒涼剩舊墳有誰携絮酒一酹日斜曛城外東南隅有漢雋不疑墓

城北朝京路南皮北門題曰朝京當塗射雉鄉魏武在南皮射雉一日獲六十三頭見陳壽魏志武帝紀心原之

弋篡智亦任機張詭過於多獲雄才喜擅場所嗟陵谷異傳說

幾荒唐

前日之遊樂人猶說子桓一時誇燕友魏文帝燕友臺在南皮城內此地共追歡瓜李

消天暑文章耐歲寒詞林多繼起可續賦騷壇

何人多好事貧富使爭喧巧取萊蕪甑來形金谷園南皮城有石崇宅明人更造為范丹居之說以與之對

財為奴華利名祇黨人尊奢儉同奄忽空留後代論

偃蹇聞張戎時來賈相門無求驢背穩難屈布衣尊張戎唐時人見人無貴賤惟自

稱戎人因目為張戎賈相即航名紙誠多事歸鞭稍避喧甯知同魏勃代掃夜初昏

南皮懷古

常州劉思恩

彈丸城郭爨煙稠訪古人來作小留霸蹟漫誇齊管鮑荒臺空說

漢曹劉民猶秉禮霑

皇澤邑以偏褻仰

睿謀時值水火發帑賑飢獨有清風碑碣在土人指點話興周

大慈閣晚眺

劉思恩

小倚危闌暮亦嘉遠眸未許薄雲遮水通吳越三千里城控淄青

十萬家天未晚煙凝海市日邊餘照拱京華北來曾記揚鞭路

遙指郊西柳似衙

南皮八景

張芝郁

九河烟草

一片荒隄古徑殘九河回首路漫漫洪流直瀉龍門險怒浪分衝碣

石寒

慶雲縣志碣石古屬無棣今折海豐為九河入海處

千載隄防人事失八年疏鑿禹功難只今

若問臺山路煙滿平渠草滿灘

五壘斜陽

憶昔河間分漢代清池勝蹟尚淹留

方輿記要五壘在清池舊縣西南二里

壘城此地成千

古歌舞當年樂五侯時去浮雲連渤海春來芳草接瀛洲

西去河間一百餘里

斜陽卻想梳粧跡幾度回光射畫樓

地有梳粧樓遺跡

衛濱舟泊

彌望金隄下衛川飛鳧往夜入蒼烟風飄楊柳千章合春去帆檣

百丈牽船趨南來江岸濶舳舻東去海門連舵樓晚飯停橈處

共慶安瀾近日邊

寒水李沈

燕友荒臺迹有無中郎當日勝情殊清泉澗瀆涵冰鏡朱李浮沈

耀火珠一曲哀笳成往事半潭寒水沒新蕪年來試訪曾遊處

煙徑深封石髮粗

臺山雨霽

由來渤海少孱顏望入虛無縹緲間安得峰巒堪娛目但存名勝

即為山隱隆莎徑成虛步起伏雲梯作畫攀獨有晚來經雨霽

四圍蒼翠夕陽殷

龍井雲晴

一從霖雨濟殷商萬古晴雲獲此鄉掘井深功傳傳說覆盆遺

跡尚龍岡峰看駸駸波間出鱗想之而浪底藏四野蒼生多望

澤甘霖何日沛汪洋

釣臺風草

西京王業未經收東海鷹揚已白頭
臣主同心渭濱夢風塵回首釣
臺秋垂綸自繫清明志投耳空看
蘆荻洲功立試從三青社棘津
非因可封侯

慈閣梵音

崔魏傑閣俯城東百尺丹梯四面風
透入法門孤月淨參來青

梵萬緣空松陰結處無人到鶴夢驚
回有聲通別有文光起東

壁東壁即清風書院書聲吟徹夜燈紅

興化寺石金剛歌

張津源

我亦巍然七尺之丈夫書劍無成悲窮途
自有金剛身不壞漫

擬蠢然無用丈二之石軀石金剛從何來
傳自寺閣溪邊開不知某

年某代之所造空留對峙守梵宇出世應
同蒙草萊石金剛竟何

用鬢眉倒捲氣生動我聞昆明之池有石
鯨鱗甲轟轟秋風生

臨平之岸有石鼓桐魚一擊聲吼鳴射則
成虎叱成羊此物奚以

當其長君不見天缺西北媧皇補刺有滔
滔東流水壯夫大力回

洪濤撐住乾坤終不死甯使天驚石亦破
不教千古空埋沒靈光

萬丈認金身硜硜幻態安足論

雋不疑墓

張津源

寒煙衰草城南路細讀豐碑識古墳

碑為家大復大令所立

禁暴官為京

兆尹知音人是
大將軍甯辭冰玉違權貴肯把車旗誤嗣君

我為墓田頻護惜不教松柏縱樵斤

皮城覽古詩

張天衢

臺山一望野雲遮
匹馬獨來踏軟沙
楊柳陰中藏古寺
桑麻影裏見人家
梳粧樓廢留春草
射雉臺空有暮鴉
擬向棘津尋釣叟
九河煙樹日初斜

又

彈丸下邑古滄洲
斷岸連隄接海陬
曹氏北征曾置固
刁公南去更名樓
江山依舊鴉空噪
煙月常新水自流
惆悵齊桓經過處
黃雲白草故城秋

長安寺

張天衢

來

古刹居幽地
山門何寂寥
秋風雲影淡
亂後樹林凋
瓜棗叨僧供
塵緣仗佛消
去時僅四載
興廢一崇朝

弔劉烈女七古稍節

劉有銘

卓哉皮城劉氏女
蓬門寂寞心獨苦
苦心不欲告人知
獨留正氣傳千古
女郎生小太零丁
早失雙親鮮弟兄
幼依大母年已暮
謀生終日

走營營詐知隣婦心
狡獪欲嫌明珠憑
櫝賣公然指麻呼
為馬直

擬桃僵借李代
是時蜚語騰四隣
阿婆不在女無親
豪奴幾輩突相

逼人聲鼎沸
車轉疑團莫解計
無措不敢絕怨空
沉吟慈恩撫

恤詐云假大母
何來賣女心挑燈
對影獨徬徨
織手密密縫衣裳
幾

度停鍼默無語
羅襟血淚滴成行
此身未許蒙塵滓
此心願託井中

水操刀匪直防身
謀不願求生誓求死
天黯黯星煌煌
烈女悲訴古井

旁須臾月墨天無光
貞魂宛在井中央
淨因只合清泉飲
阿婆歸來

覓不見招魂哭向學宮前
一痕匕首熒熒現
號咷頓足赴官衙
愧殺

嗟

傾城桃李花古今大義明閨閣多在尋常百姓家

又七絕二首錄一

高熊夢

星光闇淡月彎環行泣無聲淚自潛就節不須求絳水恐流遺恨到

人間

又

高陽進士李禽通 和香

我聞西山有烏名寃禽年年銜恨滄海深又聞瀟湘之陰多苦竹矯矯
凌霜歲寒綠彼姝獨擅蘭玉姿咄哉羣小紛居奇一朝大母遠役行城
眉頰鬻千金背獠犬狺狺吠不息猛虎眈眈怒相逼啼痕拭去笑靨生
婉語佯羞轉難測銀牀月落人影孤鴟鷂叫樹燈模糊寶刀擲地電
光起寒光十丈沈明珠阿儂拚死心如鐵阿姥歸時淚成血九原魂
魄來渺茫三載煩寃為昭雪大吏具疏達 帝閣詔以綽袂旌其

門更有詩人贈銘誄用侯太史登輜軒軼事歷今已週紀夕照寒鴉吊

遺址荒墳時著女貞花古井長澄妾心水吁嗟乎千秋大節何嶮岫

自來奇烈定乏人爬羅剔抉所不到精金尺璧空沈淪

又五律三首錄一

張鏐

苦竹鳴幽怨寒溪咽古愁十年悲李女一死足千秋白璧何曾玷黃金
不可求幾回荒井畔嘆絕玉搔頭

劉烈女詩一時題者甚夥珠璣琳琅靡不可傳可誦茲限於勢僅錄
其四其餘姑從割愛以俟別刻專本廣為流傳以公同好謹將

作者姓名登列於左

張津源古井憫劉烈女七古一首

張全懋弔劉烈女七絕一首

劉有壽五絕四首

董兆祥柏梁體一首

張光勳七古長

歌一首

賈志源五古一首

蘇元峨七律二首

曹桂

七絕一首

許維畿七律一首

范本曾五律一首

張略

七古一首

張愷七絕一首

王書林七絕一首

劉廣鎮

五古一首

王璋樂府八解

王國藩七絕一首七律一首

張全儒七律一首

題張海丞司馬西園詩鈔

張鏐

登瀛初現宰官身漫說蓬萊迹已陳政績都歸循吏傳又拈彩筆

作詩人

琅玕琢句鍊為章古調新聲名擅揚怪底淵源詩派正宦遊兩上

浣花堂

鹽山劉孝子謹度先生墓詩二首

張鏐

西風吹慘淡古木動蕭森一角高人室三年孝子心經霜悲竹節

太夫人并節忍淚看泥金

哲嗣登賢書

忽憶寒松句

魏環溪先生有贈滌微君廬墓詩

情同一往

深

頽觸思親淚知君不世情蓼莪原至性菽水豈虛名俗薄誰從挽

心安我自行鄉關回首望伫立意縱橫

題鹽山劉謹度先生廬墓實蹟

高熊夢

蕭蕭松柏壓新塋似助荒廬哭女聲萬縷猶榮衣上綫三年詐盡墓

前情飄颻風雨心逾困凜冽冰霜氣倍清迴憶秋燈勤課讀蓼莪

詩誦淚縱橫

感事二首

劉有銘

六齡

天子主中原首翦頑凶靖紫垣保傳儀隆崇正殿奸諛夢醒玉津園黔
黎引領覘同治甲子從頭數上元寄語盈廷未紫客切無附和愧
承宣

吳楚連疆久築壇

溫綸重下五雲端齊從簾內窺

堯舜共說軍中有范韓東閣行將延舊雨西台無吏統新彈大家努力

培元氣日月重離煥大觀

霜中柏 為潘節婦作

劉有銘

移

矯矯霜中柏青青雪裏松天心憐勁草彰之以疾風皮城舊族榮
陽氏食貧有婦厭羅綺伯鸞德耀兩相莊八年伉儷丈夫死
柏舟之死矢靡俶可憐伯道尚無免未亡人有未了事艱難覓
嗣續宗支叔姒生男要承孟聞聲未識豺狼性恩勤空負阿孃心
不是螟蛉是梟獍螟蛉不念螺贏負鴟鴞竟欲啄其母倉皇寅
夜賺出門逼向惡人供箕帚哭聲嗚咽罵聲高縱令玉碎骨堅
牢拚將一死明貞節刎頸奪取手中刀此時魂飛天黯黯恍惚
藁碁來相見豈因禱祀有鬼神節婦精誠天地監魑魅潛踪貞
魂歸不信此身能奮飛出門悵悵竟何之接引迷路歟白衣白衣
不見見邑城號咷匍匐訴公庭遺恨山徒竟漏網未死斧鉞死雷
霆賢宰給旌樹綽楔隱痛在心鑒前轍門楣瘦弱自把持甘教
似續膝前缺餐冰茹蘖終餘年煩惱牽纏一例捐廣酬佛庇建祠
宇遺產全推作墓田迄今閭族隆享祀節婦無子勝有子俎豆千秋
姓字香並令丈夫同不死吁嗟乎常怪天地生物心生人何復生獸禽

况更獸心人其身忍心幾至滅人倫豈知天地非不仁特欲假之成
完人君不見螻蟻寄生松柏陰噬松不倒松千尋

題潘心潭同社昆陽大梁二詩稿

劉有銘

唐山泌水簇昆陽蕭管繁台指大梁三載周遊供客履一回收拾
入吟囊果之酬唱蓮花幕元直追隨議事堂慚愧相逢才盡日

不堪持贈答琳瑯

心潭曾題社章有兩
卷琳瑯新樂府之句

潘節婦詩

張之萬

共姜有志人不奪伯道無兒天不靈要假冰霜煉松柏故教泉鏡
作螟蛉奇寬終仗佛衣白勁節常留墓樹青博得貞祠承世餐
百年俎豆被餘馨

題張節婦繡出師表冊

李傅杰

鸞漂慣單飛草苦甘獨活吐哉張節婦志與海天濶孤燈青史縑
遺文五丈原頭死諾葛諾葛雖死諾葛存出師一表漢貞臣出師竟
未捷此表一讀一雷中怒氣潛吞曹與孫英魂走祈樓桑人張節婦
讀此久曰我未亡人事雖無益義當守亦如出師六尺藐孤能棄否文
今在我手文今在我口我憎俗書趁姿媚好買吳絲繡為字繡成細意
鍼綫滅鄴宮鍼神何足說罷翦錦官城裏花宛畫蛾眉山頂月君
不聞蠻布舊弓衣枉繡才人春雪詩又不聞杜陵兩小女紫鳳天吳

膝前補

又

王琰

丹心貫日稱良臣貞節泐石欽完人兩間正氣自浩浩文章組織皆
奇珍古來書法推逸少誓慕高致殊絕倫浯溪鐫勒傳百世義烈

獨數顏清臣黨人之碑蔡京字奸邪有筆何足論嗟哉王孫事二
主腕底姿媚空傷神他如大家垂女訓似續詔請詞諂諂秋菊春柳
銘與頌風格未必標嶙峋我聞烈婦題碑石苔蝕碧血痕鮮新方
之若蘭逞巧慧璇璣錦粲詩迴文誼重仇儼致宛轉情緣兒女非
尊親豈若出師先奉表老目涕泣衷具陳誦之凜然生氣出覽之
邈爾丰神真遂以天孫七襄手繡成詐製同花茵默畫秀整類摹
榻波撇飛舞逾貞珉二十一年昭謹慎七十餘載甘艱辛肝腸激
烈互觸發長留簡冊光乾坤我觀此本聲欲吞感茲浩氣今長伸
不忠不節難並存巾幗可當鬚眉身嗚乎鬚眉無數埋風塵

又

族孫張丙震

箝在口迴文何論組織工弄筆翻笑簪花醜仁人志士理則同一
息尚存義當守要令彤管續班昭豈第高風服劉柳

又

汀洲伊秉綬

衛有共姜宋伯姬雲霄萬古節同垂秋窗刺繡遺孤燈悲絕陳倉
再出師

皮城謠贈張孝子甘茂 并序

汪寶樹

張甘茂坊市里人未讀書有至性父玉鯨素富饒揮霍中落借屋以
棲無昆弟妻孥甘茂傭工貿易甘旨必備父病月餘扶持抑搔久而忘倦
生盡養歿盡哀因為里居以旌之

言登古皮城聞說張孝子孝子有父老且貧啜蔬飲食甘旨無力具兩餐
甘旨良獨難朝出傭工暮歸養飽尊市脯承歡顏歡顏怡怡喜相顧有
子如此何所慕昔日華屋今借廬或舞且歌安若素安若素喜且走有

子來扶持杖履儼在手
老父行年過八秩
衰態龍鍾抱疾疾
侍側抑搔
問所苦奉盤滌器無虛日
吁嗟乎鐘鳴鼎食稱華胄
雞豚酒醴厭文
繡色養能幾何
遺憾在觴豆
高堂白髮日戚戚
不如有子張甘茂

詞附

明

石崇宅

王璣

調寄 侯攷

路西隱微坡丹也尚遺址巖然顏其東云是崇之里丹崇當日約侈何壘
徑與庭究竟同歸寂寞荒涼裏胡椒論斛量珊瑚難比擬復何疑冢壘
壘結構工似將長夜營營終莫已何如溝壑早自甘說甚甌塵魚在釜鏗
鏗清苦衆所難皦皦芳名稱未死何況中途更坦夷移趨漫自東西指
南皮之地再驅車俯仰徘徊聊賦此

國朝

潘心潭寰海山房詩集題詞

劉有銘

調寄新燕飛

風捲春雲舞都釀成千秋萬禩騷人情緒袖海山房詩數卷寄視天
涯舊雨卻不止重陽一白驢背錦囊傾心血莽乾坤吃叱風雲吐全不
怕蛟龍怒 我是當年舊詩侶曾記得拋瓢引玉投編贈紅甘載緇
塵迷心眼慚愧叨推斤斧謂我知此中甘苦蕨菜海鹽鄉味好嘆秋
風羹膾無覓處不羨江瑤柱
著作 以次叙載不能分類

周

尹吉甫大雅崧高詩八章

豳民詩八章

韓奕詩六章

江漢詩六章

尹伯奇履霜操一篇

漢

鮑宣上孝哀帝書二篇

鮑昱對章帝詔問一篇

趙定樂記雅歌四篇

雅琴趙氏十卷

晉

石苞與吳主書一篇

石崇大雅吟一篇

王明君辭一篇

思歸引一篇

白兄統罪表一篇

金谷園集十餘卷

北魏

王早秘占十餘卷

北齊

李鉉撰定孝經論語毛詩三禮義疏三傳同異周易義例合三

十餘卷

字辨四卷

吳遵世雜錄百餘卷

唐

賈耽備急單方一卷

洮湟甘涼七鎮額籍道里山水別錄六篇

西河戎錄四篇

繪布隴右山南九州及河圖

海內地里圖廣三

丈縱三丈三尺以寸為百里

古今郡國縣道邊方述中國本之禹

貢邊外本班固漢書古郡國題以墨今州縣題以硃

又貞元

十道錄地圖十卷

皇華四達記十卷

大唐國要圖五卷

翰林內誌一卷

七聖歷三卷

高適中興間氣集

又別集共十餘卷

詩集

宋

賈黃中文集三十卷

元

李克允史館文集十卷

明

徐廷錫理財愚得二卷

張淮西臺奏疏四卷

綱鑑集要六卷

湯賓通史評詠四卷

大易探原

交川文集六卷

海防條議三卷

明醫雜著四卷

太上感應篇註解二卷

百事箴二卷

李騰鵠選輯故明詩統四十二卷

墨鳴集八卷

蛩鳴樂府二卷

邑志稿十卷

張謚同人野集四卷

張以旃禮記要旨十二卷

柳縉麟經秘旨八卷

鄭金易醒六卷

四書象蟲測八卷

醒心箴一卷

助廉約一卷

湯性魯家人行義三卷

家禮考證五卷

藥性指南二卷

男女訓事實二卷

心鑑驚語二卷

徐升階邑志稿十七卷

許連讀易續章錄八卷

侯楹十三經類集十卷

玩易華記六卷

廿一史纂粹十卷

觀察考畧四卷

存養真偽辨一編

抱甕吟七卷

今是亭文集八卷

古今詩話折衷六卷

廣問奇集五卷

碎玉集二卷

歸田樂府二卷

侯氏族譜六篇

張以興四菴文集十二卷

張朝傑耕讀家訓一卷

清樂文集四卷

張永譽雨花齋

松影樓

醉餘搜異諸集共十六卷

侯煦四清堂詩草並續集三卷

子堪

孫幼鉉合刻作述詩集二卷

湯鉉念水文集四卷

治章紀畧四卷

守城事宜四卷

西政偶紀二卷

括蒼燕語二卷

養生十訣三卷

黃端士洗心帷集四卷

黃家棟四書非非集六卷

大易約解四卷

湯裔振春秋清旨十二卷

左傳錄要二卷

麟經闡意六卷

王時進教家箴言二卷

天文地理闡意四卷

吳維哲嘯譜二卷

鄭之樞醫案百餘卷

柴廷望尚書解傳

郝思謨井陘詩草

張雁題杏園詩草

五石瘤雜詠

所慎初集二集

醫書

侯澤岳念廬詩草

高麟閣畫軒詩草

劉弼鯁卿小草

張唯寅清芬堂遺集

採入畿輔詩傳

張慶長鏡亭河間海外存稿 黎岐記聞 詩採入畿輔詩傳

張時治坤德寶鑑 平仄彙

劉人龍輯軒文集

張發長禹貢撮要 儀禮傳註 經解圖說

張連城素園詩鈔

張大復因樹山房詩鈔 秋坪新語 半一軒詩文存稿

詩採入畿輔詩傳

張海丞西園詩草 已刻

張端城西園詩鈔 詩採入畿輔詩傳

張奎震風簷草 八十老人詩鈔 採入畿輔詩傳

張丙震悟蘭室詩草 文稿 課間集 詩採入畿輔詩傳

張裕德槐蔭書屋草

張恪防躁軒集

張芝郁豹隱山房詩賦稿 詩入三輔采風錄

張擴庭西園詩草

潘一桂花瓶社詩賦草 詩入畿輔詩傳

張全懋綠雲小草吟稿

侯日曦礪軒詩稿

侯金鯉即菴制藝存稿

張津源葆素齋詩賦草

張洛源書槎詩草

李逢泰毅本堂稿

潘震甲妙香室焚餘草

張葆謙墨花軒詩草

張曰豫此君龕詩稿

潘震乙大學實用錄

敬勝齋文集

袖海山房詩集

張恪防躁軒詩文集各四卷

叢集山房詩鈔四卷

四書辨同六卷

四書引古錄二卷

張應譽四書自信錄

未刻

篤志齋經解

已刻